

ORATIO
ANNIVERSARIA

IN

THEATRO
COLLEGII REGALIS

Medicorum Londinensium

HABITA,

Ex HARVÆI Instituto,

In Commemorationem eorum

Qui Eruditione & sua in hoc Collegium Beneficentia
inclaruerunt;

Die xviii OCTOB. A. D. 1733.



LONDINI:

Impensis W. BICKERTON, prope Temple-Bar.
MDCCXXXIII.

K. Wood (W)

1184 1-12

1-4

ORATIO
ANNIVERSARIA
IN

THEATRO
COLLEGII REGALIS

MEDICINAE

HABITA

DAVIDE I. LUTHERO

ET COMMUNIONIS

IN HOC COLLEGIO

DIE 20 OCTOB. A.D. 1777



COPIA

PER

MDCCXXVII

CELEBERRIMO

PRÆSIDI

D^{no}. *Hans Sloane* Barr.

SOCIISQUE

SPECTATISSIMIS

Collegii Med. Londinensium

ORATIONEM

HANC,

Illorum jussu publici juris factam,

Eâ, quâ par est, observantiâ,

D. D.

GULIELMUS WOOD.

PRESTIDI
SOCIISQUE
D^{no}. Hans Sloane Barr.

ORATIONEM
Collegii Med. Londinensis
SPECTATISSIMIS

HANC
Illorum iussu publici iuris factam.
Ed. que per se observanda.

D. D.

GUILIELMUS WOOD.

ORATIO HARVÆANA.

Nostrâ jam olim in Ephemeride festivus erat notatus hodiernus Dies. At immortalis HARVÆUS, quò Dies hic, Medicinæ licet aliquatenus sacer, sit usq; festivior, et benigniore in suos effulgeret Lumine, & hilares amicâ suâ erga nos voluntate porrexit Dapes, & Orationem quotannis in hoc Theatro regali dicendam instituit.

Tanta talisq; fuit hujusce *Mecænatis* nostri, ad Rempublicam Medicinæ promovendam, Observantia, ut non possum non dubitare, An Benevolentia sua erga viventes major fuit, an major Pietas in memoriam virorum illustrium, qui de nobis, qui de Re medica bene meriti fuerunt. Tales enim hâc in Oratione quasi parentari, & in morem Gentium Politi-
tiorum pro Rostris laudari voluit, horum ut virtutes Animos Æmulatione nostros quotidie accenderent, ad idem, quoad fieri potest, eniti culmen Honoris.

Arduum certe & gloriosum undiquaque in Con-
spectu nostrûm sese extendit Apographum: Nomina autem, licet maxima, haud nos, decorâ sudantes Palæstrâ, eò deterrent, ut spem omnem horum Imitationis abjiceremus. Pulchre voluisse honestum est & satis laudabile. Hinc celeberrimi gradatim

B

in-

inclaruere viri, & Operam sedulo diuq; navantes optatâ tandem potiti sunt Arenâ. Sic vir ille celeberrimus, grato prospiciens Animo in posterum, piè divinavit, &, sine dubio, hac solâ de Causâ solennem hanc cavebat instaurare Panegyrim.

Hæc, Socii Ornatissimi! mea est Provincia hodierno Die. Provincia multi fudoris, ad quam fat scio me non fatis esse. At Studium & Officium erga Te, Dignissime Præses! cujus Gratiam aucupari mihi semper fuit & Desiderio & Voluptatî, me abunde devinciunt, vel invito Genio, & alacriter, & pro virili hoc munere fungi. Oratori certe uberimus patet dicendi Campus, at verò flores ejus prius adeo depasti sunt, ut mihi perdifficile videtur quicquid inde extrahere quod non ex Calamis Antecessorum stylo multo elegantiore prius emanavit. Sed jacta est Alea, & sic Aleam adire me accingo.

Medicinæ Antiquitatem & Emolumentum si longo Circuitu ad Disquisitionem vocarem, me omnino deficeret Tempus. At veniâ bonâ vestrâ, spero quòd non videar nimis evagari, si de scientiâ paucissima protulerim, quòd aptius ad ejus Professores, Thesin hujus Orationis, pervenirem.

Gens humana vix Igne Æthereo animata fuit, citius quàm e Pixide Pandoræ omnia omnium Morborum Genera grassari, & in quemvis Hominem indiscriminatim desævire inchoaverunt. Sic veteres, & haud ineptè cecinere Poetæ. Salutis enim Trutina adeo elegans est & accurata, ut præjugi minus-

nuscularum humani Corporis Partium Vacillatione, aliisq; innumeris de Causis, impossibile est non hinc & hinc usq; vibrare dum in pejus tota rueret Fabrica.

Hinc abunde manifestum est, unumquemq; ex Jure Naturæ, salutis suæ Rationem habentem ad Antidotum citissime excogitare, ipsumq; tam ad Valetudinem præcavendam, quàm ad Hostem mortis minacem debellandum extemplo sibimet propinare. Hinc Herbarum studium, rerumq; omnigenarum, quæ cognitæ fuerunt vel ab Ævo condito, Originem deduxit. Nec Experimentis prius vacabant Majores, quam res feliciter in vado fuerat, ut Remedium novissime inventum & astantibus approbatum Tabulâ quasi votivâ in Templo Apollinis in bonum publicum religiose suspenderetur. Sic primigenii Mortales vel brevî antiquiores fuere Medicinâ. At Æram ejus ritè præfinire, & stadia & progressus, quibus in Artem primò germinavit, Investigatori oculatissimo indigitare non conceditur. Trojana ante Tempora Medicina suos habuit Professores, qui, summis, etiam divinis honoribus accumulati, stipendiisq; honestati amplissimis, hanc nostram egregiè facitârunt Artem. Ægyptii temporibus ferè primævis Medicinam excoluerunt. Nec Reges eorum Praxi ejus, sese exercere dedignati sunt, quorum unus fuit Osiris, qui Historico haud vulgariter docto, appellatus est Mizraim, qui Nepos fuit memorabilis Noæ.

Hæc

Hæc est Antiquitas! Hoc erat Medicinæ Decus!
 Et què in altius iret? quum vel Diademate & Scep-
 trâ insigniti morbos pariter ac rebelles Populos in
 Ditionem redigere unam eandemq; suam existima-
 bant Gloriam. Ab Ægypto tandem migravit in
 Græciam, ubi ad summum ferè Vestigium Studio
 & Labore divini Hipocratis evesta fuit. Postea Ro-
 mani, & post hos Arabes Medendi Artem feliciter
 satis exercuerunt. Què vero primum in Britanniam
 tranavit, ne Conjecturam facere mihi liceat. A-
 quilæ cum Romanæ huc advolarunt inter alias Ar-
 tes, hæc certe hîc exulta fuit, & eousq; florescebat
 dum vexillum sustinuerunt Victores. At deficiente
 brevî Literaturâ (tanta est Symphonia inter utramq;) *Medicina* denuo inter Agyrtas & Monachos, uti
 olim inter Druides miserrimè claudicavit. Tale
 fuit apud nostros Britannos Medicinæ & Literarum
 Naufragium, cùm *Wolsey* celebris ille *Cardinalis*,
 mox reficere vultum Doctrinæ quassum & ferè ob-
 literatum adoriebatur.

Nec inauspicatò intonuit Omen. Vix enim Græ-
 ci Penetralia fontis solâ ipsius Munificentîâ pansa
 fuère, quam paulo mox hæc Insula ubiq; scatebat
 Eruditis. Dignum Patrono Patrocinium!

Huic autem Exordio tam pulchro felicissime ob-
 secundavit *Regis Henrici octavi* ad Doctrinam
 divina Indoles: Cujus Exemplum nemo non stude-
 bat æmulari. Ipse enim fuit & scriptor luculentif-
 simus, & miles generosus & audax: penes quem
 fuit

fuit apud omnes Europæ Gentes & Belli & Pacis Arbitrium. Hic Regum facile Doctissimus Facies simul Religione nostrâ exantlavit, nec mimicum Tonitru & Fulmina metuit *Papalis Solmonei*, & ingenuas fovebat Artes, & suos Professores honore condecoravit. Inter Artes hic Pater Patriæ salutis Populi studiosissimus languentem restauravit Medicinam; & inter Professores singulari bonâ Gratiâ *Linacrum* nostrum quasi in filium arrogavit.

Hic *Linacrus* pro Ingenii Dotibus primus inter nostrates hac in solenni Celebritate dicendus est: Hic omni perpolitâ Eruditione tam Oxonii quam in Italia imbutus, medicinam & humaniores Litteras in summum evehebat fastigium. Qualis quantus fuit sua testantur Scripta, & quam fecit clarissimis istius seculi yiris, Consuetudo. Nec minùs enituit Animi Granditas. Hujus, hoc regale Collegium est & erit vera & perennis Imago. Hic enim uti Artem Doctrinâ elimasset nostram, sic splendorem huic dare ulteriorem humanitate voluit. Voluit majorem, majorem ergo inter Professores intulit Communitatem. Sic Politiam hujusce Domicilii, ipsemet prudenter excogitavit, spendide perfecit, & regaliter sanciri cavebat. Inhonestum semper duxit solummodo sibimet vivere. Suis consulere, suis opitulari, suis Autoritatem & Honorem dedere sola fuit Cura, sola ejus Gloria. Neq; hoc etiam satis esse putavit vir ille bonus. Etiam usq; prodire indefesso Studio enitebatur; & licet Nego-

tio & Senectute confectus, Præsidis Munus summâ gerebat Diligentia. Sic Progeniem totis facultatibus alere, sic fovere & sic insignire usq; ad supremum Vitæ Diem, quasi ad Officium laboravit. At ulterius quam Vitæ terminus in suos paterno flagravit Affectu. Nobis, quos sibi adoptasset, filiis, propriis tanquam Hæredibus suis sua omnia bona moriens benevolè condonavit. Præclarum certe, & nunc Dierum fere incredibile Pietatis, Animiq; Magnitudinis Exemplar! Quorum hæc Domus, ubi olim stetit sua, in omne Ævum futurum fore Monumentum spero.

Linacro proximus Ordine, licet Virtute nulli secundus, nostro in Virorum Albo resplendet *Caius*. *Caius Linacro* Germanus pariter in nos Gratia, ac Studio & Amore. Hic, ut ille, Italiam petivit illud Scientiarum politionum tunc Temporis Theatrum. Qui, inde redux, strenuè & impigrè Rempublicam hanc nascentem sustentavit, & Acumine beatissimo Rem medicam Æstimationi Hominum pertinaciter vindicavit. Hic, quò Amplitudini tam Præsidis quàm Medicinæ majorem daret Elegantiam & Dignitatem, quod olim fecit *Tarquinius Priscus*, Symbola Honoris nostratia utrisq; propria adinvenit & obtinuit. Grato igitur Animo in hac Solemnitate Nomen *Caii* quotannis meritò nobis commemorandum est. Nomen, quod, & hic & apud suos *Cantabrigienses* dudum Sacrum, dum floret Doctrina, nunquam perituum est.

Caio,

Caio, Fatis auspicatò nobis futuram annuentibus Gloriam, successit *Caldwaldus*, Reginae *Elizabethæ* Medicus. Hic pro Morum Integritate & Doctrinâ uno eodemq; Die, quod quidem singulare est, Examinatione habitâ ascriptus est Socius, & in Munus Censorium Consilii totius Concentu læte inauguratus erat. Nec immemor fuit acceptæ Gratiae & Honoris. Piâ incensus Æmulatione, Res nostras impensius ampliare voluit. Hic, viro prænobili *Barone Lumleo*, quocum illi erat intemeratæ Amicitiae, intra hæc mænia, quò studium Medicinæ magis atq; magis excultum foret, Lectionem Chirurgicam perpetuo honestatam Salario conjunctâ suâ Liberalitate fundabant. Liberalitas vere nobilis, & utrisq; digna viris! Liberalitas etiam ex Eventu multo pluris, & in æternum duratura, Quòd ex hac Cathedra Sanguinis Circulatio Opere & Studio oculatissimi *Harvæi* Ortum primò & meridianum tulit Splendorem.

Hic vir magnus Genio perspicaci & plusquam humano totam Naturæ Fabricam penetravit, fibrarum Cordis Elaterium pervestigavit, & Fluxum & Refluxum Sanguinis & mechanicè & luculentissimè omnibus suis indagavit Vestigiis. Inventum longe præstantissimum. Inventum, Praxi Medicinæ, instar *Ariadnæ* fili, utilissimum ad nos perducendos variorum per Labyrinthos Phænomenum, quæ aliter Nefas foret explicuisse. Veruntamen non defuere nonnulli Obtrectatores invidi; Obtrectatores qui,

qui, ad Staturam eorum despiciatissimam Mendacio adjuvandam, Honorem Inventionis impudenter sibimet arrogare contendebant. Paucorum at verò series Annorum Homini conspicuo, quam præclare meruit, immortalem addixit Inveni Gloriam, & merito & dignissime Coronam adjudicavit triumphalem. Sic brevè *Harvæus* noster facile evasit totius literati Orbis Admiratio, Columnen Artis Apollinææ, & hujusce Collegii æternum Decus & Ornamentum.

Multa huic propter Honores, quos singulatim participamus, at plura propter Munificentiam in nos lautissimè administratam debemus. Bibliothecam instruxit, Cœnaculum & Musæum proprio ædificavit Sumptu, Convivium hodierno Die quotannis & Panegyrim Præmio satis liberali dotatam instituit. Nos denuo sibi charos eatenus habuit & Res nostras, ut, quòd vix fide dignum est, alacriter in pleno sociorum Conventu Paterna sua nobis dono dedit Prædia, & vita dum fuit superstes nos suos scripsit Hæredes. Multa sunt alia; & hæc non modica, Benefacta de quibus, in præsentis præ Temporis Exiguitate mihi concessi, omitto dicere, nam de aliis de nobis bene merentibus, prout ipse voluit, dicendum est. Inter quos Eruditissimus *Gulstonus* meritò enumerandus est, Qui, quò ulterius Medicinæ scientiam promoveret, annuam de Viscerum Structurâ, & Morborum Causis Lectionem in hoc Theatro instituit & mercede lautâ ditavit,
judicatò

judicato decernens, Medici Praxin sine unâ & alterâ
 haud abfimilem fore Navi sine *Palinuro*. Nec mihi
 liceat hic loci silentio præterire *Cronium* egregie cele-
 bratum pro Musculorum dissectione, quorum Usum,
 hic multo cum Honore elegantissime demonstravit.
 Nec nobilissimus *Marchio Durnovariæ* hodie oblivif-
 cendus est. Vir ille prænobilis virtutibus haud minus
 quam stemmate illustris, amplum Librorum nostræ
 scripsit Bibliothecæ supplementum, & tanto in Ho-
 nore Medicinam habuit, ut decorum & laudabile ex-
 istimavit inter ejus Præfessores annumerari, & nostras
 in Tabulas perscribi publicas. Neque hîc alienum
 fore mihi videtur, me vobis congratulari, quod hi
 duo amplissimi *Duces*, Scientiarum omnium fautores
 generosissimi hoc exornant Collegium. Quorum u-
 nus & alter licet Sanguine Patricio illustrissimè prog-
 nati, summisque insigniti Honoribus, haud inhonestum
 censebant Socii nobiscum vocari.

Neque olim defuere Fœminæ Honoratissimæ etiam,
 quæ nobis nostrisque tanquam communi bono consu-
 lere oppidò studebant. Quarum *Arabella Stuarta* &
Maria Comitissa Salopiensis, Optimates Matronæ, Re-
 gumque Progenies, opulentum huic fodalitati condo-
 narunt munus. Inter Benevolentes nostros, Ingenio
 & Comitæ nitescit *Hamæus*, nulli postponendus.
Hamæus hanc nostram Rempublicam, (veluti *Camil-
 lus* suam Romam) Temporum Calamitate ruentem &
 fulcit, & redemit: Denuo cùm Domus hæc vastata
 fuit Incendio, quò suus hic *Phoenix* ex Cinere alterius
 Nitore & Elegantiâ splendidiori refulgeret, propriam

non modo erogavit Pecuniam, sed ab alio, suâ deficiente, subsidium exoravit. Medicis etiam Nosocomiorum ex hac Societate propositis & electis annum liberali manu porrexit stipendium, moriensque nobis legavit Residuum.

Cutleri Pietas & munifica erga nos Indoles, quarum hæc ipsa mœnia sunt Testimonium insigne, grato nobis hodierno Die recolendæ sunt animo. Vosque omnes ad unum me Criminis argueretis, tanquam ingratum, & piis inimicum manibus præhonorabilis *Comitis Radnoriensis* nec non & *Edmundi Boulteri* Civis opulenti, si Liberalitatis eorum, adeo Rebus nostris, eo ipso Tempore, pessum euntibus opportunæ non mentionem faceem.

Inter Recentiores primario Loco enumerandus est *Richardus Hale* Medicus ille celebris. Vir fuit omni Praconio, omni Existimatione meritissimo dignus: Hujusce Collegii & utriusque Universitatis Honoris Propugnator acerrimus. Hic pio Affectu quo semper in nos flagravit ad Libros coemendos quingentas nobis Libras legavit. Sic vivus & moriens fuit unus & idem, & Amicitiam in nos, quam moribus indicavit, Testamento moriens liberaliter asseveravit.

Multa sunt alia Benevolorum Nomina illustria, quæ vel cursim recitare de Tabulis me vetat Oratiunculæ Brevitas; at vero mihi imperat & Desiderium & Officium paululum hîc usque morari dicendi Causâ, quales fuere, quantumque Famæ & Emolumenti & Scientiæ & Praxi eruditi attulerunt Medici olim hic Socii. Quorum in Numero *Lowerus* perspicacitate insignis,
Cordis

Cordis structuram secundum HARVÆI Methodum ulterius explicavit, & Musculos eorumque Usus concisè & perspicuè designavit. Quis est omnium Qui *Whartoni* Librum de Corporis humani Glandulis, unde varia morborum Genera derivantur perlegit, & non admiratur Autorem? Quis non collaudaret concinnum illud Opus *Glissonii* de Hepate? Quis non celebraret *Mortoni* Librum de Febribus? Quis non suspiceret *Sydenhamum* nostrum, *Hippocratis* æmulum, qui adeo morborum Historiam graphicè delineavit, ut nihil scriptis, hodierno Die, anteferendum est, nihil fere æquale est? Quis satis laudare potest *Willisii* Sagacitatem in omni fere Medicinæ ambiguo? Quis in Arte nostra exsuperavit *Johannem Friend*? Quis illo melius, quis magis humaniter, aut felicius Medicinam fecit? Quis illo candidius, quis illo distinctius? Quis illo politiori Elegantiâ de nostrâ scripsit Scientiâ? Nec minus, in Senatorio inclaruit munere. Augusto in illo Legislatorum Conventu, semper Patriæ severus Vindex & Libertatis, prudentem, incorruptum se gessit Senatorem, Quem nec Vis nec Vultus cujusvis Pœnas sibi minitantis de Proposito dimovere valuerunt. Sic vir ille insignis, quò nemo fuit eruditior, nos multifariam exornavit, nec non & Cultum & Fulgorem addidit Medicinæ.

Hi & multo plures, quos, si largiretur Tempus, enumerare mihi foret Voluptati, sunt Viri illustres nostri, tales, quales hodie nusquam alibi Gens ulla venditat; nec ulla Ætas præterita his protulit Superiores.

Jam,

Jam, colendissime *Præses*! Virtutes tuas & Scientiam, Munificentiam, tuum & in nos Amorem sapius expertum, prædicarem. At te coràm in Os laudare, & meus me Timor, & innata tua me vetat Modestia; adde quòd etiam de Mortuis non de Vivis habenda est hæc Oratio. Diu igitur vivas; Diu nobis nostrisque intersis & Decus & Præsidium. Diu sit tibi Incolumitas æque dulcis quam vita est illibata, diu sis, uti dudum enituiſti, Medicorum Coryphæus, quo Duce nil non pulchrum & laudabile nobis sperandum est.

Vos etiam *Collegæ* & Literis & Virtutibus spectatissimi! me veniâ dignabimini, si vos, in Præsenti, promeritis, quibus præclare excellitis, Laudibus extollere verecundè recuso. Merita, quorum Animi Dotes vestræ singulares veracissimi sunt Præcones. Merita, quæ ipsimet quotidie Praxi & Moribus honestis vividè magis collustratis, quàm queat Eloquentia cujusvis Panegyristæ.

Instate igitur Operi tam feliciter inchoato, quò Fama vestra, & Medicinæ Æstimatione indies magis atque magis grandescat: Vosque prout amico fœdere colligati estis; Honoris & Authoritatis hujusce Collegii & utriusque Academiæ vosmet Assertores ostendite semper tenaces, Posterì ut tanto nos collaudent, quanto debemus hodierno Die nostros celebrare Antecessores.

F I N I S.